

**Përmirësimet vjetore në SNRF-të
Periudha 2011–2013**

Ndryshime të SNRF 3 *Kombinimet e biznesit*

Paragrafi 2 është amenduar dhe paragrafi 64I është shtuar. Teksti i ri është i nënvizuar dhe teksti i fshirë është bërë me vijë në mes.

Qëllimi

- 2 Ky SNRF zbatohet për një transaksion ose ngjarje tjetër që plotëson përkufizimin e një kombinimi biznesi. Ky SNRF nuk do të zbatohet për:
- (a) kontabilizimin e krijimit të një ipërmarrjeje të përbashkët marrëveshjeje të përbashkët në pasqyrat financiare të vetë marrëveshjes së përbashkët.
 - (b) ...

Data e hyrjes në fuqi

- ...
- 64I *Përmirësimet vjetore për periudhën 2011–2013 publikuar në dhjetor ndryshoi paragrafin 2(a). Një njësi ekonomike do të zbatojë këtë ndryshim në mënyrë prospektive për periudhat vjetore që fillojnë më 1 korrik 2014 e në vijim. Lejohet zbatimi përpara kësaj date. Nëse një njësi ekonomike zbaton ndryshimin për një periudhë më të hershme, ajo duhet të japë informacione shpjeguese për këtë fakt.*

Ndryshim të SNRF 13 *Matja me vlerën e drejtë*

Paragrafi 52 është ndryshuar dhe paragrafi C4 është shtuar. Teksti i ri është i nënvizuar dhe teksti i fshirë është bërë me vijë në mes.

Zbatimi për aktivet financiare dhe detyrimet financiare me pozicione kompensuese në lidhje me rreziqet e tregut ose rrezikun e kredisë të palës tjetër

...

- 52 Përjashtimi në paragrafin 48 zbatohet vetëm për aktivet financiare, ~~dhe~~ detyrimet financiare dhe kontratat e tjera brenda objektit të SNK 39 *Instrumentet financiare: Njohja dhe matja* ose SNRF 9 *Instrumentet financiare*. Referencat për aktivet financiare dhe detyrimet financiare në paragrafët 48–51 dhe 53–56 duhet të tregohen kur zbatohen për të gjitha kontratat që janë brenda objektit dhe kontabilizohen në përputhje me SNK 39 ose SNRF 9, pavarësisht nëse ato plotësojnë përkufizimet e aktiveve financiare ose detyrimeve financiare në SNK 32 *Instrumentet financiare: Paraqitja*.

...

Shtojca C Data e hyrjes në fuqi dhe periudha kalimtare

...

- C4 *Përmirësimet vjetore për periudhën 2011–2013 publikuar në dhjetor ndryshoi paragrafin 52. Një njësi ekonomike duhet të zbatojë këtë ndryshim për periudhat vjetore që fillojnë më 1 korrik 2014 e në vijim. Një njësi ekonomike do ta zbatojë këtë ndryshim në mënyrë prospektive që nga fillimi i periudhës vjetore në të cilën është zbatuar fillimisht SNRF 13. Lejohet zbatimi përpara kësaj date. Nëse një njësi ekonomike zbaton ndryshimin për një periudhë më të hershme, ajo duhet të japë informacione shpjeguese për këtë fakt.*

Ndryshime të SNK 40 Aktiv afatgjatë material i investuar

Para paragrafit 6, është shtuar një titull. Paragrafi 14A është shtuar. Pas paragrafit 84 janë shtuar një titull dhe paragrafët 84A dhe 85D. Paragrafët 6 and 14 janë përfshirë për lehtësi referimi por nuk janë ndryshuar. Teksti i ri është i nënvizuar.

Klasifikimi i pasurisë si aktiv afatgjatë material i investuar ose pasuri e zotëruar nga pronaria

- 6 *Interesi nga pasuria, që mbahet nga qiramarrësi sipas një qiraje të zakonshme, mund të klasifikohet dhe të trajtohet si aktiv afatgjatë material i investuar nëse, dhe vetëm nëse pasuria nga ana tjetër do të plotësonte përkufizimin e një aktivi të tillë dhe qiramarrësi përdor modelin e vlerës së drejtë të parashtruar në paragrafët 33–55 për aktivin e njohur. Ky klasifikim alternativ përdoret bazuar në pasuri për pasuri. Megjithatë, sapo zgjidhet ky klasifikim alternativ për interesin nga pasuria e mbajtur sipas një qiraje të zakonshme, e gjithë pasuria e klasifikuar si aktiv afatgjatë material i investuar do të trajtohet duke përdorur modelin e vlerës së drejtë. Kur përzgjidhet ky klasifikim alternativ, jepet informacion shpjegues për çdo interes të klasifikuar në këtë mënyrë, siç kërkohet nga paragrafët 74–78.*
- ...
- 14 Për të përcaktuar që një aktiv afatgjatë material të kualifikohet si aktiv afatgjatë material i investuar, kërkohet një farë gjykimi. Kështu, njësia ekonomike zhvillon kriteret që ajo ta përdorë këtë gjykim në vijimësi në përputhje me përkufizimin e aktivit afatgjatë material të investuar dhe në lidhje me udhëzimin përkatës në paragrafët 7–13. Paragrafi 75(c) kërkon që njësia ekonomike të japë informacion shpjegues për këto kriteret, kur klasifikimi është i vështirë.
- 14A Gjykimi kërkohet gjithashtu për të përcaktuar nëse blerja e aktivit afatgjatë material të investuar është një aktiv ose një grup aktivesh, ose një kombinim biznesi brenda objektit të SNRF 3 *Kombinimet e biznesit*. Për të përcaktuar nëse ai është një kombinim biznesi duhet t'i referohemi SNRF 3. Shtjellimi në paragrafët 7–14 të këtij Standardi lidhet me faktin nëse pasuria është ose jo pasuri e zotëruar nga pronari apo aktiv afatgjatë material i investuar, por jo me përcaktimin nëse blerja e një pasurie është ose jo një kombinim biznesi siç përkufizohet në SNRF 3. Përcaktimi nëse një transaksion specifik plotëson përkufizimin e një kombinimi biznesi siç është shpjeguar në SNRF 3 dhe përfshin një aktiv afatgjatë material i investuar siç përcaktohet në këtë Standard kërkon zbatimin e veçantë të të dyja Standardeve.
- ...

Dispozitat kalimtare

...

Modeli i kostos

...

Kombinimet e biznesit

- 84A *Përmirësimet vjetore për periudhën 2011–2013 publikuar në dhjetor 2013 ndryshoi paragrafin 14A dhe shtoi një titull para paragrafit 6. Një njësi ekonomike do ta zbatojë këtë ndryshim në mënyrë prospektive për blerjet e aktivit afatgjatë material të investuar që nga fillimi i periudhës së parë vjetore për të cilën është adoptuar ky ndryshim. Rrjedhimisht, nuk do të bëhet rregullimi i kontabilitetit për blerjet e aktivit afatgjatë material të investuar në periudhat e mëparshme. Megjithatë, një njësi ekonomike mund të zgjedhë të zbatojë ndryshimin për blerjet individuale të*

aktivit afatgjatë material të investuar që janë bërë para fillimit të periudhës së parë vjetore që ka qenë në datën e hyrjes në fuqi ose në vijim, nëse dhe vetëm nëse, është i disponueshëm informacioni i kërkuar për të zbatuar ndryshimin për ato transaksione që janë më të hershme.

Data e hyrjes në fuqi

...

85D *Përmirësimet vjetore për periudhën 2011–2013, publikuar në dhjetor 2013, shtuan titujt para paragrafit 6 dhe pas paragrafit 84 dhe shtuan paragrafët 14A dhe 84A. Një njësi ekonomike duhet të zbatojë këto ndryshime për periudhat vjetore që fillojnë më 1 korrik 2014 e në vijim. Lejohet zbatimi përpara kësaj date. Nëse një njësi ekonomike i zbaton këto ndryshime për një periudhë më të hershme, ajo duhet të japë informacione shpjeguese për këtë fakt.*

